

ԵԿԵՂԵՑԻՆԵՐԻ ՀԱՄԱԵԽԱՐՀԱՅԻՆ ԽՈՐՀՐԴԻ ԿԵՆՏՐՈՆԱԿԱՆ ԿՈՄԻՏԵԻ ՀԵՐԹԱԿԱՆ ՏԱՐԵԿԱՆ ՆՍՏԱԵՐՋԱՆԸ

Սույն քվականի սեպտեմբերի 10-19-ը Շվեյցարիայի Ժնև քաղաքում տեղի ունեցավ ԵՀԽ-ի Կենտրոնական Կոմիտեի տարեկան հերթական՝ 48-րդ նստաշրջանը:

Նստաշրջանին մասնակցում էին Կենտրոնական Կոմիտեի ավելի քան 250 պատգամավորներ, խորհրդականներ, դիտորդներ, կյուրեր և երիտասարդության ներկայացուցիչներ: Նստաշրջանը անդրադարձավ Կենտրոնական Կոմիտեի մեկ տարվա ընթացքում կատարած աշխատանքներին, ԵՀԽ-ի 8-րդ Համագումարի նախապատրաստական աշխատանքների ընթացքին:

Նստաշրջանում լսվեց ԵՀԽ-ի գլխավոր ֆարադար Դր. Կոնրադ Ռայզերի և Կենտրոնական Կոմիտեի Ատենապետ Մեծի Տանն Կիլիկիո Կաթողիկոս Արամ Ա-ի հաշվետու զեկուցումները, որոնցով նրանք անդրադարձան 1989 թվականին Մոսկվայում Կենտրոնական Կոմիտեի կողմից առաջարկված, երկար տարիներ ֆենարկվող և արդեն վերջնական ձև ստացած «Դեպի հասարակաց ըմբռնում և տեսիլք» տեղեկագրին:

Սույն նստաշրջանում Կենտրոնական Կոմիտեն վավերացրեց և առաջարկեց, որ «Դեպի հասարակաց ըմբռնում և տեսիլք» տեղեկագիրը ներկայացվի Հարաբերում գումարովելիք 8-րդ Համագումարի մասնակիցներին, իբրև էկոմենիկ շարժման ապագա գործունեության ուղեցույց 21-րդ դարում:

Նստաշրջանի մասնակիցները հետագա երկու օրերին, հինգ խմբերի բաժանվելով, ֆենարկեցին իրենց բաժանումներին վերաբերող պնդյալի հարցեր, ինչպիսիք են՝ եկեղեցական միության հասնելու նոր հեռանկարների ստեղծման, Ս. հաղորդության մասնակցությանը Համագումարի ընթացքում, աստվածաբանական կրթության կարևորության, էկոմենիկ կրթարանի, երիտասարդության դաստիարակության, հավատի և կարգի, ավետարանչության և առաքելության, ցեղային խտրականության, տեղափոխվածների, կանանց իրավունքի, բռնության դեմ պայքարի, աշխարհի բնակչության առողջության և անի, Ջատկի համատեղ տոնախմբման, տարածապաշտության և բազմաթիվ այլ կարևոր հարցեր:

Նստաշրջանի օրերին տեղի ունեցավ հատուկ հանդիպում Կենտրոնական Կոմիտեի անդամ Ուղղափառ Եկեղեցիների ներկայացուցիչների միջև, որի ընթացքում շեշտվեց ԵՀԽ-ի կյանքում Ուղղափառների գործունեության մասնակցության, ինչպես նաև Ուղղափառների միջև սերտ կապի ստեղծման անհրաժեշտությունը: Առաջարկվեց 1998 թվականի մայիսին Հալեպ քաղաքում գումարել եռօրյա մի ժողով, Ուղղափառ Եկեղեցիների 8-րդ Համագումարին մասնակցող պատգամավորների ներկայացուցիչների միջև, որպեսզի որդեգրվի Ուղղափառ Եկեղեցիների աշխատանքի հատուկ ուղղությունը:

Հանդիպումներ ձևեցան նաև Եվրոպայի և այլ ցամաքամասերի Եկեղեցիների ներկայացուցիչները, որոնք իրենց կրոնական, քաղաքական-տնտեսական, ընկերային և էկոմենիկ կյանքի վիճակի մասին տեղեկություններ հաղորդեցին:

Կանանց տասնամյակի ավարտին նվիրված հատուկ հավաքի ընթացքում, կանայք մեկ անգամ ևս արձարծեցին կանանց հանդեպ կատարվող անարդա-

րուքյանց հարցը, հատկապես երրորդ աշխարհում: Ներկայացվեց կանանց իրավունքներին վերաբերվող «Կենդանի նամակներ» անունով մի ծրագիր:

Հասարակության հարցերով զբաղվող խումբը նստաշրջանի ընթացքում մեկ անգամ ևս իր տեսակետները ներկայացնող հայտարարություններով հանդես եկավ, որոնք ունենին բնապահպանական բնույթ և ուղղված էին Նիգերիայում նախկին շահագործող ընկերությանը, հաղահացիական պատերազմին Սուդանում և Իրաքում տառապող բնակչության հիմնահարցերին:

Դր. Ռայգերի և Արամ Կաթողիկոսի անունից նամակներ ուղարկվեցին Նորվեգիայի մայրաքաղաք Օսլո, ուր այդ օրերին գումարվում էր քաղաքացիների ժողով՝ հակահետևակային ականների օգտագործումն արգելելու վերաբերյալ:

Նույնպես մի նամակ ևս նստաշրջանի օրերին, սեպտեմբերի 8-ին, ուղարկվեց Երուսաղեմ, որում մերժվում էր անհատի և կազմակերպությանց նկատմամբ կիրառվող ամեն տեսակ վայրագություն:

ԵՂԽ-ի անդամ Եկեղեցիների թիվը դարձավ 332, երբ Կենտրոնական Կոմիտեն հաստատեց այն դիմումները, որոնցով Պապուա Նոր Կինեյի Միացյալ Եկեղեցին, որն ունի 600000 անդամ, և Սողոմոնյան կղզիների Միացյալ Եկեղեցիները, որի կազմում 45000 մարդ կա, դարձան ԵՂԽ-ի լիիրավ անդամներ:

Արգենտինայի Քրիստոնյա Աստվածաշնչային Եկեղեցին, որտեղ ընդգրկված է 25000 մարդ, ընդունվեց որպես ԵՂԽ-ի օժանդակ անդամ:

ԵՂԽ-ի 8-րդ Համագումարը տեղի է ունենալու Ջիմբաբվեի մայրաքաղաք Հարարեում՝ 1998 թվականի դեկտեմբերի 3-14-ը: Համագումարի նշանաբանն է՝ «Դարձ առ Աստված, ցնծա հուսով»: Համագումարի աշխատանքներն ընթանալու են Ջիմբաբվեի մայրաքաղաքում գտնվող համալսարանում, որը հյուրընկալելու է շուրջ չորս հազար պատգամավորներ և այցելուներ: Մասնակիցները տոնելու են ԵՂԽ-ի հիմնադրության 50-ամյակը՝ իբրև ցնծության ոսկի տարեգարդ: Այս առթիվ առաջարկվում է, որ անդամ Եկեղեցիները ևս իրենց երկրներում տոնախմբեն այդ ոսկի տարեգարդը: ԵՂԽ-ն հիմնադրվել է 1948 թվականի սեպտեմբերի 20-ին Ամստերդամ քաղաքում:

Սույն նստաշրջանի ավարտով 1991 թվականին Կանքերայի համագումարի ընթացքում ընտրված Կենտրոնական Կոմիտեն, յոթ երկար տարիներ ծառայելով ԵՂԽ-ին, իր գործունեության շրջանն ավարտեց:

Նստաշրջանը աշխատանքներն ավարտեց սեպտեմբերի 19-ի երեկոյան՝ գոհարանական պաշտամունքով, որը տեղի ունեցավ էկումենիկ կենտրոնի մատուռում:

ՆԵՐՍԵՍ ԱՐՔԵՊԻՍԿՈՊՈՍ ՊՈԶՅՊԱԼՅԱՆ

Անդամ ԵՂԽ-ի Կենտրոնական Կոմիտեի